



Starfsáætlun Síðuskóla

skólaárið 2021-2022



Gönguferð á Glerárdal

EFNISYFIRLIT

Inngangur	4
Síðuskóli 2021-2022	5
Sýn skólans	5
Sérdeild	5
Skrifstofa skólans.....	5
Starfsfólk	6
Nemendur	6
Skóladagatal 2021 – 2022	6
Helstu viðburðir skólaársins	8
Skipulag skólans	10
Skipurit	10
Viðmiðunarstundaskrá.....	10
Nám og kennsla	10
Valgreinar.....	11
Skólaráð.....	11
Nemendaráð.....	12
Foreldra- og kennarafélag FOKS.....	13
Viðtalsdagar og námsmat	15
SMT – jákvæð skólafærni - skólareglur.....	15
Umhverfismennt.....	16
Þróun og endurmenntun.....	17
Endumenntunaráherslur 2021-2022	17
Innra mat.....	18
Stoðþjónusta.....	19
Lausnateymi SMT og forvarnarteymi gegn einelti	19
Nemendavernd.....	19
Náms- og starfsráðgjöf.....	19
Ráðgjöf til skólans.....	19
Heilsugæsla	20
Hagnýtar upplýsingar	21
Forföll og leyfi nemenda	21
Ástundun	21
Samkomulag um farsíma-og snjalltækjanotkun skólaárið 2020-2021	21
Mötuneyti og nesti	22
Frístund	22

Tómstundastarf og félagslíf.....	23
Rýmingaráætlun	23
Bókasafn.....	24



INNGANGUR

Hér ber að líta starfsáætlun Síðuskóla fyrir skólaárið 2021-2022. Grunnskólum ber að birta stefnu sína með tvennum hætti eins og grunnskólalög og aðalnámskrá grunnskóla gera ráð fyrir. Annars vegar er skólanámskrá og hins vegar starfsáætlun skólans sem er þetta rit. Skólastjóri er ábyrgur fyrir gerð þeirra og skal semja þær í samráði við starfsfólk skólans.

Starfsáætlunin er unnin í samræmi við lög og reglugerðir, aðalnámskrá og stefnu Akureyrarbæjar í skólamálum. Í henni eru ýmsar upplýsingar um skólann sem eiga erindi við skólasamfélagið og þá aðila sem tengjast skólastarfinu. Í samfélagi dagsins í dag þurfa upplýsingar að vera aðgengilegar og ítarlegar. Starfsáætlunin er hluti skólanámskrárinna en hana er að finna á heimasíðu skólans www.siduskoli.is. Þar eru margvíslegar upplýsingar til viðbótar því sem hér stendur og er vísað til þess í textanum. Í samræmi við umhverfismarkmið skólans er starfsáætlunin birt á rafrænu formi á heimasíðu skólans. Ef foreldrar hafa ekki aðgang að tölvu er sjálfsgagt mál að fá útprentað eintak.

Ný aðalnámskrá grunnskóla var sett fram vorið 2011 og tók gildi þann 1. ágúst sama ár. Margvíslegar breytingar eru í nýju aðalnámskránni sem skólar þurfa að aðlaga sínu starfi en hún byggir á sex grunnþáttum: læsi, sjálfbærni, heilbrigði og velferð, lýðræði og mannréttindum og jafnrétti og sköpun. Skólar vinna stöðugt að því að aðlaga skólastarfið að nýrri námskrá en eins og við vitum þarf skólastarf að vera í stöðugri þróun.

Mestu máli skiptir í skólastarfinu að við skilum frá okkur ánægðum einstaklingum sem eru færir í mannlegum samskiptum og tilbúnir að axla þá ábyrgð sem samfélagið leggur þeim á herðar. Að sjálfsögðu verður ábyrgðin og kröfurnar að vera í samræmi við aldur og þroska barnanna og við þurfum að vera vel meðvituð um að mæta hverjum einstaklingi á hans forsendum. Það er ekki nóg að ná góðum árangri í námsgreinum því félagsfærni, kurteisi og virðing fyrir umhverfinu eru gildi sem nauðsynlegt er að rækta með hverjum og einum.

Með kveðju og von um gott samstarf á skólaárinu!

Ólöf Inga Andrésdóttir skólastjóri



SÍÐUSKÓLI 2021-2022

Síðuskóli stendur við Bugðusíðu á Akureyri. Símanúmer skólans er 4622588 og símanúmer húsvatnarsíðar er 8970205. Bein símanúmer í frístund eru 4613473 og 6958442. Síminn í íþróttahúsinu er 4613050 og í sundlaug Glerárskóla 4621539.

Netfang: siduskoli@akureyri.is Heimasíða: <http://www.siduskoli.is>

SÝN SKÓLANS

Í Síðuskóla sýnum við **ábyrgð**, **virðingu** og **vináttu**

ÁBYRGÐ: Í Síðuskóla sýnum við ábyrgð með því að gera alltaf okkar besta og leggja okkur fram í leik og starfi.

VIRÐING: Í Síðuskóla sýnum við virðingu með því að vera kurteis og koma vel fram við alla í orði og verki. Við virðum okkur sjálf, aðra og umhverfið.

VINÁTTA: Í Síðuskóla sýnum við vináttu með því að hugsa vel hvert um annað, taka þátt í því sem fram fer og gæta þess að enginn sé einmana.

Í Síðuskóla er markmið okkar að allir fái tækifæri til að afla sér þekkingar, leikni og hæfni eftir fjölbreyttum leiðum. Skólastarfi þarf að haga í fyllsta samræmi við getu og þarfir hvers og eins, með gleði og vellíðan að leiðarljósi. Í Síðuskóla er lögð áhersla á að skapa uppbyggjandi og öruggar aðstæður fyrir nemendur og starfsfólk.

SÉRDEILD

Sérdeild fyrir einhverfa nemendur var stofnuð í Síðuskóla haustið 1999. Henni er ætlað að starfa í samræmi við lög um grunnskóla nr. 91/2008. Þeir nemendur sem búsettar eru á Akureyri og hlotið hafa einhverfugreiningu hjá viðurkenndum greiningaraðilum (GRR) eiga rétt á að stunda nám í sérdeild. Það er alfarið val foreldra hvort sótt er um en þá leggur inntökuteymi, sem í eru deildarstjóri sérdeilda, skólastjóri og fulltrúar frá fræðslusviði Akureyrarbæjar mat á umsóknir. Einnig hefur deildin ráðgefandi hlutverk vegna einhverfra barna í öðrum grunnskólum á Akureyri.

SKRIFSTOFA SKÓLANS

Skólinn er opnaður kl. 07:45 á morgnana af húsverði og skólaliðum. Ritari á skrifstofu skólans mætir kl. 07:45 og er til kl. 16:00. Ritari tekur við tilkynningum um forföll nemenda og starfsfólks og skráir þau. Veikindi nemenda er einnig hægt að tilkynna í gegnum Mentor. Ef óskað er eftir leyfi í two daga eða lengur þarf að fara inn á heimasíðu skólans og fylla út eyðublað. Viðkomandi fær síðan svar rafrænt.

STARFSFÓLK

Við skólann starfa 50 kennarar, þroskaþjálfar og ráðgjafi auk skólastjórnenda sem eru þrír. Aðrir starfsmenn eru 36. Trúnaðarmaður kennara (KÍ/FG) er Hafdís María Tryggvadóttir. Trúnaðarmaður annarra starfsmanna er Fanndís Ósk Brynjarsdóttir (Eining/Iðja). Trúnaðarmaður starfsfólks sem er í Kili er Brynja Sigurðardóttir ritari í Glerárskóla.

[Starfsfólk Síðuskóla skólaárið 2021-2022](#)

[Umsjónarkennrar árganga skólaárið 2021-2022](#)

NEMENDUR

Skólaárið 2021-2022 eru 355 nemendur í skólanum. Nemendum er skipt í umsjónarhópa í hverjum árgangi og hefur hver umsjónarhópur einn umsjónarkennara. Mikil samvinna og samkennsla er á milli hópa í hverjum árgangi.

SKÓLADAGATAL 2021 – 2022

[Skóladagatal Síðuskóla er aðgengilegt á heimasíðu skólans](#)

Kennsludagar	170
Aðrir skóladagar: skólastuning, skólaslit, viðtalsdagar, litlu jólin, árshátíð, útvistardagur	10
Heildarfjöldi skóladaga	180
kipulagsdagar utan starfstíma skóla	8
Skipulagsdagar á starfstíma skóla	5
Tvöfaldir skóladagar	1 dagur vegna árshátíðar
Frístund/lokunardagar	23. ágúst, frístund lokuð til kl. 12 3. janúar, frístund lokuð allan daginn 2. mars, frístund lokuð allan daginn 3. og 4. mars frístund lokuð til kl. 13 3. júní, frístund lokuð frá kl. 12

Skýringar við skóladagatal 2021 – 2022

Ágúst

13. ágúst Endurmenntunardagur
16.-20. ágúst Skipulagsdagar utan starfstíma skóla
23. ágúst Skólastuning, nemendur mæta í heimastofur og fara á sal með umsjónarkennurum.
Frístund lokuð til kl. 12

September

8. september Dagur læsis
9. september Gönguferð, allur skólinn
10.-17. september Umhverfisvika, 16. september er dagur íslenskrar náttúru, náttúrufræðingur skólans er valinn þann dag
26. september Evrópski tungumáladagurinn
29. og 30. sept. Samræmd próf í 7. bekk í íslensku og stærðfræði.

Október

- | | |
|--------------------|---|
| 6. og 7. október | Samræmd próf í 4. bekk í íslensku og stærðfræði |
| 14. október | Skipulagsdagur |
| 15. október | Viðtöl í 1. -10. bekk |
| 18. og 19. október | Haustfrí |

Nóvember

- | | |
|---------------------|--|
| 8. nóvember | Baráttudagur gegn einelti/SMT dagur í skólanum |
| 16. nóvember | Dagur íslenskrar tungu, setning Stóru upplestrarkeppninnar í 7. bekk og Litlu upplestrarkeppninnar í 4. bekk |
| 18. og 19. nóvember | Árshátið. Þrír dagar á tveimur, einn skóladagur og tveir skertir skóladagar |
| 20. nóvember | Dagur mannréttinda barna |
| 22. nóvember | Skipulagsdagur |

Desember

- | | |
|--------------|-------------------------------|
| 1. desember | Jólaþema |
| 17. desember | Spurningakeppni í 8.-10. bekk |
| 20. desember | Litlu jólin |

Janúar

- | | |
|------------|--|
| 3. janúar | Skipulagsdagur, frístund lokuð allan daginn |
| 31. janúar | Viðtöl í 1.-10. bekk, fyrri dagur af tveimur |

Febrúar

- | | |
|-------------|------------------------------------|
| 1. febrúar | Viðtöl í 1.-10. bekk, seinni dagur |
| 6. febrúar | Dagur leískólans |
| 11. febrúar | Dagur íslenska táknmálsins |

Mars

- | | |
|--------------|--|
| 3. mars | Skipulagsdagur, frístund lokuð |
| 3.-4. mars | Vetrarfri, frístund lokuð til 13 |
| 8.-10. mars | Samræmd próf í 9. bekk, fyrst er íslenska síðan stærðfræði og að lokum enska |
| 10. mars | Lokahátið Stóru upplestrarkeppninnar í 7. bekk |
| 14. mars | Dagur stærðfræðiinnar |
| 16. mars | Útvistardagur/Hlíðarfjall, skólinn fær úthlutað degi þegar veður leyfir |
| 21.-25. mars | Reykjaferð í 7. bekk |

Maí

2.-6. maí	Mannréttindavika
23.-25. maí	Skólaferðalag í 10. bekk
27. maí	Skipulagsdagur

Júní

1. og 2. júní	Umhverfisdagar
3. júní	Skólaslit, frístund lokuð frá 12
7.-9. júní	Skipulagsdagar utan starfstíma skóla

HELSTU VIÐBURÐIR SKÓLAÁRSINS

Samsöngur allra nemenda skólans, eða söngsalur verður 6 sinnum yfir skólaárið að jólasöngsal meðtoldum eða þrisvar sinnum fyrir áramót og þrisvar sinnum eftir ármót. Vinabekkir velja lög í hvert skipti. Undirleikari kemur frá tónlistaskólanum og spilar á gítar.

Vinabekkir. Samvinna á milli stiga, hver bekkur á sinn vinabekk t.d. 1. bekkur og 6. bekkur. Margvísleg verkefni unnin saman s.s spil, lestur eða leikir.

Skólaböll. Liður í fjárlögun 10. bekkjar. Böllin eru haldin fyrir öll stig skólans kringum árshátíð og af og til yfir skólaárið. Liður í félagsstarfi.

Dagur læsis. Á þessum degi er unnið með lestur á margvíslegan hátt.

Dagur íslenskrar náttúru. Umhverfisdagur sem er haldinn 16. september ár hvert eða því sem næst ef dagurinn ber upp á helgi. Útvistardagskrá er í hverjum árgangi og keppni um titilinn Náttúrufræðingur Síðuskóla þar sem nemendur bera kennsl á fugla, plöntur og staði á Íslandi.

Ólympíuhlaup ÍSL. Haldið árlega á haustdögum. Allir nemendur taka þátt og hlaupa skólahringinn sem er rúmlega 2 km. Sumir hlaupa marga hringi.

Bleikur dagur. Í tilefni af bleikum mánuði Krabbameinsfélagsins klæðist starfsfólk og nemendur bleiku.

Stóra upplestrarkeppnin í 7. bekk og Litla upplestrarkeppnin í 4. bekk. Báðar settar á Degi íslenskrar tungu þann 16. nóvember. Þann dag er hefðbundin stundaskrá brotin upp og kennarar vinna gjarnan saman þvert á árganga og vinna með tungumálið á ýmsan hátt.

Jól í skókassa. Nemendur í 7. bekk gefa/safna gjöfum, pakka þeim inn og senda til munaðarlausra og fátækra barna í Úkraníu.

Árshátíð skólans er 18. og 19. nóvember. Hún er árlegur viðburður þar sem flestir árgangar sýna leikrit fyrir ættingja og aðra nemendur skólans. Allt starf skólans snýst um árshátíðina á meðan hún stendur yfir. Kaffisala er á vegum 10. bekkjar sem er liður í fjárlöfun fyrir vorferð árgangains.

Litlu jólin. Nemendur og starfsfólk koma saman í samkomusal þar sem 6. bekkur er með atriði. Síðan er farið í íþróttasalinn og dansað í kringum jólatré og sungið. Helmingur skólans kemur fyrst á sal og hinn í heimastofur og síðan er skipt. Síðan hittist allur skólinn í íþróttahúsini.

Öðruvísí dagar. Nemendaráð ákveður öðruvísí daga sem gætu t.d. verið, hattadagur, bleikur dagur, lopapeysudagur, o.fl. Allir hvattir til að taka þátt.

SMT 100 miða leikur. Nemandi fær hrósmiða í ákveðinni viku og nafn hans lendir í potti sem síðan er dregið út og vinningshafar fá verðlaun.

Blár mánuður (apríl). Dagur einhverfunar, einn dagur í apríl. Þennan dag klæðumst við bláu í tilefni af alþjóðlegum degi einhverfunar.

Frjálsíþróttamót. Mótið er haldið árlega fyrir 4.-7. bekk í Boganum á vorönn.

Vorhátíð FOKS. Hátíðin er árlegur viðburður sem haldinn er á vegum Foreldra-og kennarafélags skólans (FOKS).

SMT 20.000 hrósmiða hátíð. Þegar nemendur skólans hafa náð þessum fjölda hrósmiða er haldin vegleg hátíð fyrir nemendur og starfsfólk.

Útivistardagur. Farið er í Hlíðarfjall einu sinni að vetrí. Allir nemendur hafa tök á að fara á skíði eða bretti sér að kostnaðarlausu.


Þemadagar eru tvívar á skólaári á haustönn og vorönn. Þá er hefðbundið skólastarf brotið upp og nemendum blandað þvert á árganga, ýmist alveg frá 1. – 10. bekk eða skipt eftir stigum. Viðfangsefni eru margvísleg og valin hverju sinni. Dagur stærðfræðinnar. Mismunandi stærðfræðiverkefni lögð fyrir nemendur á öllum stigum skólans.

Umhverfisdagar að vori þar sem skólastarf fer fram utandyra. Farið er vítt og breitt um nánasta umhverfi og fjölbreytt verkefni leyst. Seinni daginn er grillað í inngarði skólans og nemendur í 8. bekk aðstoða.

Spurningakeppni unglungastigs í desember. Nemendur 8. – 10. bekkjar keppa um bikar og verðlaun en fyrirkomulag keppninnar felur í sér ýmsar gerðir spurninga, s.s. hraðaspurningar, bjölluspurningar, vísbendingaspurningar og leiknar vísbendingar.

SKIPULAG SKÓLANS

SKIPURIT



VIÐMIÐUNARSTUNDASKRÁ

Heildarfjöldi vikulegra kennslustunda nemenda í 1.-10. bekk grunnskóla skal að lágmarki vera þessi:

1.	2.	3.	4.	5.	6.	7.	8.	9.	10.	bekkur
30	30	30	30	35	35	35	37	37	37	stundir

NÁM OG KENNSLA

Í öllum kjarnagreinum í skólanum eru fyrirliggjandi hæfnikort sem aðgengileg eru í Mentor. Þar kemur fram innan hverrar námsgreinar hver markmið eru í hverri námsgrein. Kennarar meta jafnt og þétt yfir skólaárið svo auðvelt er að fylgjast með hvernig náminu vindur fram miðað við þau markmið sem lagt er upp með.

Kennsluhættir eru fjölbreyttir. Á yngsta stigi er Byrjendalæsi ríkjandi en þar fléttast námsgreinar inn í lestrar- og læsisnámið. Vikulega er sett fram ný áætlun þar sem ákveðinn bók eða texti liggur til grundvallar náminu. Á yngsta stigi er unnið með stærðfræði sem heitir Zankov stærðfræði. Þar er unnið út frá ákveðnum markmiðum hverju sinni. Síðustu ár hefur verið bætt við spjaldtölukost skólans en kennarar hafa nú til umráða einn ipad fyrir hverja fjóra nemendur í kennslustofum á yngsta stigi.

Á miðstigi er meira um aðskilda námsgreinakennslu en á yngri stigum. Það er þó sami umsjónarkennari sem kennir flestar bóklegar greinar og svigrúm til að samþætta eftir því sem aðstæður kalla á. Kennsluhættir eru fjölbreyttir. Nemendur vinna einstaklingslega, í þórum eða hópum að sínu viðfangsefni hverju sinni. Tölvukostur skólans hefur aukist til muna þar sem búið er að kaupa talsvert magn af chromebook vélum. Það breytir aðstæðum til kennslu mikið þar sem hægt er vinna með upplýsingartækni í heimastofum. Á miðstigi er val einu sinni í viku þar sem nemendur velja sér greinar eftir áhugasviði. Markmið verkefnisins eru m.a. að stuðla að auknum samskiptum á milli árganga, efla áhuga og gefa nemendum kost á að velja sér viðfangsefni og auka þannig lýðræði í skólastarfi. Upplýsingar um val fyrir haustönn má sjá hér. Í vetur verður unnið að aukinni samþættingu í íslensku, náttúrufræði og samfélagsfræði á stiginu.

Á unglingsstigi er námsgreinakennsla. Reynt er að hafa tvo kennara í árgangi með hverja grein til að auka samvinnu og skapa fjölbreyttari tækifæri til náms. Í sumum námsgreinum eru sérgreinakennrar sem kenna öllum nemendum. Það hefur líka kosti s.s. yfirsýn kennara yfir öll námsár á unglingsstigi og sérhæfingu í námsgreininni. Eins og á miðstigi eru kennsluhættir fjölbreyttir og aðgangur að tölvum góður. Í vetur verða 4 kennslustundir á viku í unglingsadeild notaðir í smiðju þar sem unnið er í lotum að samþættum verkefnum.

Búið er að setja námsáætlanir allra inn á heimasíðu skólans, siduskoli.is. Í þeim má finna þau markmið sem unnið er með í hverjum bekk og leiðir að þeim. Einnig má finna hvaða kennarar sinna kennslu í hverri grein fyrir sig. [Hér má skoða námsáætlana](#).

VALGREINAR

Valgreinar eru hluti af skyldunámi. Í 8., 9. og 10. bekk og skulu nemendur eiga kost á vali um námsgreinar og námssvið í um fimmtungi námstímans.

Heimilt er að meta skipulagt nám sem stundað er utan grunnskóla, t.d. við tónlistarskóla, sem hluta af grunnskólanámi samkvæmt nánari útfærslu í aðalnámskrá grunnskóla. Stundi nemandi slíkt nám er viðkomandi sveitarstjórn ekki skylt að standa straum af kostnaði sem af því leiðir þótt námið njóti viðurkenningar í stað skyldunáms. Jafnframt er heimilt að meta tímabundna þátttöku í atvinnulífi, félagslífi, íþróttum eða skipulögðu sjálfboðastarfi sem nám, enda falli það að markmiðum skólastarfs.

Nemendur velja sér valgreinar með aðstoð foreldra og starfsfólks og stefnt er að því að þeir geti valið sér greinar með hliðsjón af framtíðarnámsmarkmiðum og áhugamálum. Framboð valgreina er mikið bæði innan skóla og utan og flestir ættu að geta fundið eitthvað við hæfi. Hluti af vali nemenda er í samstarfi við aðra grunnskóla á Akureyri.

SKÓLARÁÐ

Í Síðuskóla starfar skólaráð sem er samráðsvettvangur skólastjóra og skólasamfélagsins um skólahald. Skólastjóri hefur forgöngu um stofnun skólaráðs Síðuskóla. Hann situr í skólaráði og stýrir starfi þess. Auk skólastjóra sitja í skólaráði deildarstjórar, þrír fulltrúar foreldra, tveir fulltrúar kennara, einn fulltrúi annars starfsfólks skólans og tveir fulltrúar nemenda báðir úr nemendaráði skólans.

- ✓ Skólaráð Síðuskóla tekur þátt í stefnumörkun fyrir skólann og mótu sérkenna hans í samræmi við stefnu sveitarfélags um skólahald.
- ✓ Fjallar um skólanámskrá, rekstraráætlun, starfsáætlun og aðrar áætlanir um skólastarfið,
- ✓ Fjallar um fyrirhugaðar meiriháttar breytingar á skólahaldi og starfsemi skólans og gefur umsögn áður en endanlegar ákvarðanir um þær eru teknar,

- ✓ Tekur þátt í að móta stefnu og sérkenni skóla og tengsl hans við grenndarsamfélagið,
- ✓ Fylgist með öryggi, húsnaði, aðstöðu, aðbúnaði og almennri velferð nemenda,
- ✓ Fjallar um skólareglur, umgengnishætti í skólanum,
- ✓ Fjallar um erindi frá skólanefnd sveitarfélags, foreldrafélagi, kennarafundi, almennum starfsmannafundi, nemendafélagi, einstaklingum, mennta- og menningarmálaráðuneyti, öðrum aðilum varðandi málefni sem talin eru upp í þessari málsgrein og veitir umsögn sé þess óskað og aðstæður eru til,
- ✓ Tekur þátt í öðrum verkefnum á vegum skólanefndar að fengnu samþykki sveitarstjórnar.
- ✓ Skólaráð fjallar ekki um málefni einstakra nemenda, foreldra eða starfsfólks skóla.

Skólaráð Síðuskóla veturinn 2021-2022

NEMENDARÁÐ

Við grunnskóla skal starfa nemendafélag og er skólastjóri ábyrgur fyrir stofnun þess. Nemendafélagið vinnur m.a. að félags-, hagsmunu- og velferðarmálum nemenda og skal skólastjóri sjá til þess að félagið fái aðstoð eftir þörfum (10.gr. úr grunnskólalögum 2008). Nemendafélag hvers skóla setur sér starfsreglur, m.a. um kosningu í stjórni félagsins og kosningu fulltrúa í skólaráð skv. 2. mgr. 8. gr.

Markmið félagsins er einnig að búa nemendur undir að:

- starfa í lýðræðisþjóðfélagi
- þroskast félagslega
- tjá skoðanir sínar með eðlilegum hætti

Nemendaráð Síðuskóla er skipað 7 nemendum úr 6.-10. bekk. Í 6.-8. bekk kjósa árgangar sér einn fulltrúa og annan til vara en í 9.-10. bekk kjósa árgangarnir sér two fulltrúa og einn til vara. Sonja Björk Dagsdóttir kennari hefur umsjón með nemendaráði.

Starfsáætlun nemendaráðs Síðuskóla

Nemendur sem sitja í nemendaráði eru fyrirmyn dir allra í skólanum. Sýni nemandi ekki hæfni og færni til að sitja í ráðinu er kennara leyfilegt að skipta nemanda út.

Markmið nemendaráðs er að nemendur geta sett fram skoðun sína, hugmyndir og haft áhrif á skólastarfið.

Helstu verkefni nemendaráðs:

- o Skipuleggja söngsal
- o Ákveða „Öðruvísi daga“
- o Undirbúa og framkvæma söng- eða hæfileikakeppni Síðuskóla
- o Ræða þau málefni sem koma frá nemendum og koma þeim í farveg
- o Framkvæma hugmyndir sem fram koma frá nemendum skólans í samráði við viðkomandi starfsmann/menn
- o Skipta með sér störfum þegar þarf að sinna málefnum innan skólans.

Nemendaráð er með two póstkassa og geta nemendur skólans komið með hugmyndir um verkefni/málefni sem nemendaráð tekur á.

Tveir fulltrúar nemenda sitja í skólaráði og er formaður nemendaráðs sjálfkjörinn og hinn fulltrúi er valinn úr nemendaráði.

Haldnir eru fundir einu sinni í mánuði eða oftar ef þurfa þykir.

Reglur nemendaráðs:

- ✓ Nemendaráð kýs 2 fulltrúa í skólaráð, formaður er sjálfkjörinn og hinn skal vera úr 8.-10. bekk.
- ✓ Nemendur bera ábyrgð á starfinu en hafa einn kennara sér til leiðsagnar.
- ✓ Nemendaráð er andlit skólans út á við.
- ✓ Nemendaráð tekur þátt í mótnun stefnu skólans fyrir hönd nemenda.
- ✓ Nemendaráð vinnur m.a. að félags-, hagsmunu-, og velferðarmálum nemenda.
- ✓ Nemendaráð kemur fram sem fulltrúi nemenda.
- ✓ Nemendaráð skipuleggur skemmtilega og uppyggilega afþreyingu fyrir nemendur skólans.
- ✓ Fulltrúar nemendaráðs sýna prúðmennsku, góða háttsemi og eru öðrum nemendum til fyrirmynðar

Fulltrúar í nemendaráði skólaárið 2021-2022

FORELDRA- OG KENNARAFÉLAG FOKS

Samkvæmt grunnskólalögum eiga grunnskóli og foreldrar að hafa með sér samstarf til að búa nemendur undir líf og starf í lýðræðisþjóðfélagi. Starfsfólk skólans vinnur að samstarfinu og umsjónarkennara ber að fylgjast vel með sínum nemendum, aðstoða þá, leiðbeina þeim í námi og styðja við þá á allan hátt í góðri samvinnu við foreldra.

Þegar nemandi hefur skólagöngu er lagður grunnur að þessu samstarfi. Mikilvægt er að trúnaðarsamband komist á milli heimilis og skóla strax í byrjun og jákvæð samskipti höfð að leiðarljósi. Tilgangur samskiptanna er að upplýsingar um nemandann komist sem best á milli heimilis og skóla. Æskilegt er að umsjónarkennari hafi sem mesta vitnesku um nemandann, væntingar hans til skólans, sterkar og veikar hliðar og einnig hvernig nemandinn stendur félagslega og tilfinningalega.

Við skólann er starfandi foreldra- og kennarafélag, FOKS. Félagar eru foreldrar/forráðamenn nemenda og kennarar. Foreldrar/forráðamenn greiða félagsgjöld.

Markmið félagsins eru:

- Að allir eigi rétt á öryggi, ástúð og kennslu
- Að stuðla að vellíðan allra nemenda skólans og tryggja gott samband milli skólans og foreldra/forráðamanna þeirra barna er þar stunda nám.
- Að stuðla að framkvæmdum í þágu skólans.
- Að halda fundi þar sem fjallað er um ýmis uppeldisfræðileg efni.
- Að örva og styðja félagsstarf og menningarlíf innan skólans.

Einn af kennurum skólans er tengiliður milli skólans og foreldrafélagsins. Störf kennarans eru fólgin í að starfa með stjórnum foreldrafélagsins og koma skilaboðum á milli skólans og stjórnarinnar. Sjá nánar á heimasíðu skólans.

Hlutverk og skyldur Foreldra og kennarafélags Síðuskóla.

Hlutverk FOKS er að styðja við foreldra, kennara og skólann i málefnum er varðar nemendur.

Stjórnum FOKS er skipuð sex foreldrum og einum fulltrúa kennara.

Formaður sem ber ábyrgð á féluginu, fjármálum skyldum og verkefnum. Formaður er tengiliður við skólastjóra. Hann boðar fundi og sér um skipulag verkefna.

Varaformaður er aðstoðarmaður formanns og hefur yfirumsjón með verkefnum.

Stjórnin sér um fjármál FOKS og reikninga sem tilheyra FOKS og skólanum. Gjaldkeri er tengiliður og ábyrgðaraðili á reikningum árganga sem eru 10 talsins.

Ritari sér um að rita fundargerðir og sjá um að þær komist á tölvutækt form í tölvu FOKS. Ritari hefur umsjón með Facebook síðu FOKS og sér til þess að fundargerðir og upplýsingar komist á heimasíðu Síðuskóla.

Fulltrúi kennara er tengiliður skólans við FOKS. Kennari sér til þess að verkefni FOKS séu unnin i samráði við skólann. Kennari sér um að allt upplýsingarflæði milli FOKS og Síðuskóla séu í lagi.

Í hverjum árgangi eru 4-6 bekkjarfulltrúar sem skipta með sér verkefnum. Þeir eru eins konar verkefna/viðburðaraðilar sem sjá um að halda utan um viðburði innan bekkjanna. Bekkjarfulltrúar þurfa einnig gjaldkera sem er tengiliður gjaldkera FOKS og hefur yfirumsjón með fjárlunum eða kostnaði við viðburði innan bekkja. Ritari sem er ábyrgðaraðili yfir möppu bekkjarins sér um að uppfæra viðburði bekkjarins í greinargerð um verkefni á vorhátíð og fjáraflanir þar sem við á. Í 4., 7. og 10. bekk er einn aðili sem hefur yfirumsjón með fjárlunum ef stefnt er á ferðalög í þessum bekkjum og viðkomandi er tengiliður við FOKS.

Einn aðili úr stjórn FOKS situr í skólaráði Síðuskóla. Tveir aðilar úr stjórn FOKS sitja í SAMTAKA sem eru samtök foreldrafélaga á Akureyri.

Helstu verkefni skólaársins.

Í byrjun skólaárs er haldinn fundur með öllum foreldrafulltrúum þar sem farið er yfir helstu viðburði, verkefni og skyldur foreldra sem foreldrafulltrúar.

Aðalfundur FOKS er haldinn í byrjun skólaárs þar sem farið er yfir ársreikninga, kosið i nefndir og stjórnir.

FOKS aðstoðar foreldrafulltrúa með verkefni eins og fjáraflanir o.fl. Ár hvert heldur FOKS í samvinnu við SAMTAKA viðburði svo sem kynningar, fyrirlestra, námskeið o.fl.

SAMTAKA í samvinnu við foreldrafélög á Akureyri, forvarnarteymi Akureyrar og félagsmiðstöðvar ákveða á haustin hvaða verkefni skal unnið að og hvaða áherslur eru hverju sinni.

Kaffisala á árhátíð Síðuskóla er alfarið unnin af foreldrum 10. bekkjar með aðstoð kennara en FOKS aðstoðar eins og hægt er.

FOKS heldur árlega vorhátíð Síðuskóla, yfirleitt í byrjun maí. Þar eru þrír bekkir með verkefni, 3. bekkur, 6. bekkur og 9. bekkur og sjá foreldrar alfarið um skipulagningu og vinnu á hátíðinni. Þessir bekkir fá greitt í ferðasjóð fyrir sína vinnu.

Eins og fram hefur komið í fréttum hefur Menntamálaráðherra ákveðið þjóðarátak um LÆSI á Íslandi og mun FOKS í samvinnu við SAMTAKA og Heimili og skóla vinna að ýmsum verkefnum því tengdu.

Einnig mun SAMTAKA í samvinnu við foreldrafélög á Akureyri og Heimili og skóla standa fyrir fyrirlestrum og kynningum fyrir foreldra. Forvarnarteymi Akureyrarbæjar hefur verið i góðu samstarfi við samtökin um fyrirlestra og viðburði.

[Stjórn FOKS veturninn 2021-2022](#)

VIÐTALSDAGAR OG NÁMSMAT

Viðtalsdagar eru tvisvar á skólaárinu. Þar hittast nemendur, foreldrar og umsjónarkennari og ræða um námið og líðan barnsins í skólanum. Foreldrar sjá sjálfir um að bóka tíma inn á Mentor.is. Viðtalsdagar eru notaðir til að ræða nám nemenda, samskipti og líðan.

Námsmat byggir á frammistöðu nemenda á hæfnikorti. Skólinn notar Mentor til að halda utan um hæfnikort í hverri námsgrein og byggjast viðmiðin á aðalnámskrá grunnskóla en þau eru löguð að markmiðum skólans. Hægt er að fylgjast með mati á hæfnikorti jafnt og þétt yfir veturinn þar sem einstaka viðmið eru metin í bókstöfunum **A, B+, B, C+, C, D** frá miðstigi og upp úr en á yngsta stigi er notast við ákveðin tákna og einkunnarorð.

Í 8.-10. bekk er lokamat er birt í hverri námgrein í júní, þeir nemendur sem ekki vinna að sömu námskrá og bekkjarfélagar fá umsögn með sínu lokamati. Mennta- og menningarmálaráðuneytis hefur ákveðið að nemendur 10. bekkjar útskrifist með bókstöfum frá vori 2016, A, B+, B, C+, C og D. Ef nemandi fylgir ekki námskrá bekkjarins er einkunn stjörnumerkt*.

SMT – JÁKVÆÐ SKÓLAFÆRNI - SKÓLAREGLUR

Í hverjum grunnskóla skal setja skólareglur. Í skólareglum skal m.a. kveðið á um almenna umgengni, samskipti, stundvísni, ástundun náms og heilbrigðar lífsvenjur, ábyrgð, réttindi og skyldur. Í reglunum skal koma fram hvernig skólinn hyggst bregðast við brotum á þeim.

Skólastjóri er ábyrgur fyrir gerð skólareglina og kynningu þeirra og skulu þær unnar í samráði við skólaráð og fulltrúa nemenda í skólaráði. Ár hvert skulu skólareglurnar kynntar nemendum og foreldrum þeirra og birtar í starfsáætlun. Skólareglur skal endurskoða reglulega. (Lög um grunnskóla nr.1040 frá 2011 gr. 8)

Í SMT - skólafærni eru settar skólareglur og viðurlög við þeim sem kynntar eru á heimasíðu skólans. Foreldrar og nemendur fá kynningu á skólareglum á haustfundum árganganna. Skólareglur Síðuskóla gilda í öllu húsnæði skólans, á skólalóð og í ferðum á vegum skólans.

Síðuskóli hóf haustið 2006 innleiðslu SMT skólafærni. Markmið SMT er að skapa gott andrúmsloft í skólum og tryggja öryggi og velferð nemenda og starfsfólks. Aðferðin leggur áherslu á leiðir til að koma í veg fyrir og draga úr hegðunarvanda með því að kenna og þjálfa félagsfærni, umbuna fyrir æskilega hegðun og samræma viðbrögð starfsfólks gagnvart nemendum sem sýna óæskilega hegðun. Nemendur sem hafa góða félagsfærni sýna síður óæskilega hegðun, eiga auðveldara með að eignast vini og leysa farsællega úr vandamálum og ágreiningsefnum.

Sérstakt skipulag er í gildi á skólalóðinni, svokallaðar leikjastöðvar og hefur starfsfólk á frímínútnavakt eftirlit með þeim. Á göngum og í félagsmiðstöð er einnig gæsla í frímínútum.

Innleiðsla SMT skólafærni tekur þrjú til fimm ár og það var í mars 2013 sem Síðuskóli lauk innleiðslunni og var lýstur sjálfstæður SMT skóli. Sjá SMT krækju á heimasíðu <https://www.siduskoli.is/is/skolinn/marmid-og-stefnur/smt>

[Reglutafla skólans](#)

[Agaferli SMT](#)

UMHVERFISMENNT

Markmið umhverfismenntar í skólanum er að efla þekkingu, skilning og virðingu fyrir umhverfi og náttúru. Að hver einstaklingur spryji hvað geti gert til að stuðla að sjálfbærri þróun. Vinnubrögð og hegðun leiði til þess að við höfum jákvætt viðhorf til umhverfisins, berum virðingu fyrir því og finnum farsælar lausnir á vandamálum sem steðja að. Til að ná þessum markmiðum fylgjum við sjö skrefum Grænfánaverkefnisins hjá Landvernd og höfum sett okkur umhverfisreglur.

Umhverfissáttmáli Síðuskóla

Við nemendur og starfsmenn Síðuskóla:

1. Berum virðingu fyrir náttúrunni og umhverfi okkar og sýnum það í verki.
2. Nýtum alla hluti vel og spörum.
3. Flokkum, endurvinnum og forðumst notkun einnota umbúða.
4. Sóum ekki mat.
5. Drögum úr mengun og notum umhverfisværar vörur og samgöngumáta.
6. Lærum að þekkja átthaga okkar, nánasta umhverfi sem og perlur í íslenskri náttúru.
7. Umgöngumst jörðina í anda sjálfbærar þróunar.


Í skólanum starfar umhverfis-og útikennslunefnd og er tilgangur hennar að stuðla að því að vel sé unnið að umhverfismennt í skólanum. Nefndinni er ætlað að taka ákvarðanir varðandi stefnu í umhverfismennt og fylgjast með framkvæmd hennar sem og að kynna hana innan skólans og utan. Að hausti setur umhverfisnefnd skólanum markmið sem sérstaklega skal vinna að yfir skólaárið og gerir áætlun um aðgerðir. Að vori er staðan metin.

Nefndin hittist a.m.k. fjórum sinnum hvert skólaár. Umhverfisfulltrúi boðar til og stjórnar þeim fundum og skipar fundarritara. Á fundum eiga allir jafnan rétt til að koma með tillögur og taka þátt í umræðum. Þær ábendingar sem fulltrúum í umhverfisnefnd berast frá nemendum eða starfsmönnum eru ræddar á fundum nefndarinnar sem tekur ákvörðun um framhaldið.

Fulltrúar nemenda í umhverfis-og útikennslunefndinni koma úr bekkjardeildum með sléttu tölu. Þar af leiðandi eru nýir fulltrúar valdir á hverju vori fyrir næsta skólaár.

[Umhverfis-og útikennslunefnd Síðuskóla veturinn 2021-2022](#)

Ferli um gerð og viðhald starfsþróunaráætlunar



Starfsþróun er samstarfsverkefni hvers starfsmanns og skólans sem stofnunar. Vilji og viðhorf starfsmanna skipta öllu máli varðandi það hvort starfsþróunin nýtist honum vel eða ekki. Skólastjóri er ábyrgur fyrir framkvæmd og úrvinnslu starfsþróunaráætlana.

Starfsfólk er ábyrgt fyrir eigin starfsþróun, þ.e. að koma auga á tækifæri til að bæta kunnáttu og hæfileika og tekur einnig virkan þátt í gerð starfsþróunaráætlunar skólans. Starfsfólk greinir skólastjórnendum frá þeim þáttum í starfsþróun sem þeir hafa áhuga á að sinna til að halda sér við í starfi eða bæta við nýrri þekkingu sem nýtist í starfi. Hver starfsmaður ber ábyrgð á að halda skrá um starfsþróun sína og tímamagn sem í hana fer. (Eyðublað á samögnum í tölvukerfi skólans: Slóð: starfsfólk/frá skólastjóra/starfsþróun í Síðuskóla/Eyðublað yfir starfsþróun). Þessa samantekt kynnir starfsmaðurinn í starfsmannaviðtali ár hvert og skilar til stjórnenda í byrjun nýs skólaárs. Stjórnendur sjá um að staðfesta starfsþróun og halda utan um hana. Starfsmenn sækja um

námskeið til stjórnenda í starfsmannasamtölum en einnig á öðrum tíma ef þurfa þykir. Forgangsraðað er í samræmi við áherslur skólans og fjármagn.

Reynt verður að jafna tækifæri til starfsþróunar hverju sinni en einnig verður tekið tillit til þátttöku starfsmannsins á fyrri árum.

Endurskoðun: Gert er ráð fyrir að starfsþróunaráætlun starfsfólks sé í stöðugri endurskoðun og geti breyst m.a. eftir aðstæðum, framboði og verkefnum hverju sinni.

[Starfsþróunaráætlun Síðuskóla 2021-2022](#)

Auk þess sem starfsmenn sækja framangreind námskeið eða fræðslu geta þeir hugsanlega valið önnur tilboð sem bjóðast t.d. hjá endurmenntunarstofnum og fleiri aðilum. Það er þó alltaf háð ákvörðun skólastjóra hvort námskeið telst hluti af endurmenntunaráætlun starfsmanns og hvort skólinn tekur þátt í fjármögnun þess. Þá geta starfsmenn nýtt sér aðrar aðferðir til símenntunar s.s. að stofna leshringi, námshópa, nota félagastuðning o.fl. Auk þess sem starfsfólk skóla tekur þátt í þeirri starfsþróunaráætlun sem skólinn gerir fyrir allt starfsfólk, þá er hverjum starfmanni ætlað að halda utan um þau námskeið, fræðslufundi og formlegt einingabært nám sem viðkomandi sækir. Kennarar halda einnig utan um þá starfsþróunartíma sem kjarasamningar þeirra kveða á um að fram fari utan starfstíma skóla. Þannig getur hver starfsmaður gert sér grein fyrir allri þeirri fræðslu sem viðkomandi hefur sótt sér hvert skólaár, auk þess sem stjórnendur geta fylgst með virkni og námskeiðssókn starfsmanna. Kennarar skila starfsþróunaryfirliti í ágúst fyrir skólaárið á undan en kennarar skila 102/126/152 tímum eftir orlofsréttindum.

Kennarar og þroskabjálfar ásamt stjórnendum sitja í nefndum og ráðum sem snúa að faglegu starfi skólans.

[Nefndir og ráð skólaárið 2021-2022](#)

INNRA MAT

Gæðaráð skólans leggur áherslu á að skilgreina leiðir í mati og vinna að innra mati í samvinnu við annað starfsfólk skólans. Rýnt er í fyrilliggjandi gögn s.s. Skólapúlsinn, viðtöl við nemendur, rýnhópa ásamt niðurstöðum prófa og kannana.

[Umbótaáætlun skólaárið 2021-2022 \(bls. 11-22\)](#)

Í veturnar verður áhersla á viðmið um nám og kennslu, auk þess sem unnið verður samkvæmt umbótaáætlun síðasta skólaárs. Haldið verður áfram í að máta gögn við gæðaviðmið og annað samkvæmt ítarlegri ársáætlun.

STOÐPJÓNUSTA

Samkvæmt 2. grein grunnskólalaga skal skólinn leitast við að haga störfum sínum í samræmi við eðli og þarfir nemenda og stuðla að alhliða þroska, heilbrigði og menntun hvers og eins. Áherslur í sérkennslu mótað af þessari lagagrein. Sérkennsla er stuðningur við nemanda eða nemendahóp sem þarfnað tímabundinnar aðstoðar eða samfellds stuðnings í lengri tíma jafnvel alla skólagönguna. Aðstoðin sem veitt er fer eftir aðstæðum hvers nemanda, en sérkennslan felur í sér breytingu á námsmarkmiðum og/eða kennsluaðferðum miðað við það sem öðrum nemendum á sama aldri er boðið upp á. Aðstoð við sérkennslunemendur fer ýmist fram inni í bekk nemandans, í smærri hópum eða einstaklingslega eftir því sem best þykir henta hverju sinni. Sérkennari og umsjónarkennari vinna saman að úrbótum fyrir nemandann í samstarfi við foreldra.

Fræðsluráð úthlutar á hverju vori tilteknum kennslustundum til sér- og stuðningskennslu í skólanum. Sérkennslan er skipulögð af fagstjóra í sérkennslu í samvinnu við skólastjórнendur.

LAUSNATEYMI SMT OG FORVARNARTEYMI GEGN EINELTI

Við skólann er starfandi lausnateymi sem er hluti af SMT skólfærni. Það vinnur að málefnum einstaklinga eða hópa og geta kennarar óskað eftir stuðningi teymisins við lausn einstaklingsmála eða málefna hópa.

Lausnateymið kemur með tillögu að úrræðum og fylgir þeim eftir. Teymið hefur jafnframt umsjón með vinnu og framkvæmd vegna eineltismála sem formlega eru tilkynnt.

NEMENDAVERND

Í skólanum er starfandi nemendaverndarráð. Hlutverk þess er að fjalla um málefni einstakra nemenda eða nemendahópa og leita úrræða á vandamálum sem upp koma. Ráðið kemur saman tvívar í mánuði.

Nemendarverndarráð 2021-2022

NÁMS- OG STARFSRÁÐGJÖF

Í skólanum er starfandi ráðgjafi í 70 % starfi. Hann starfar samkvæmt starfslýsingum/ erindisbréfi ráðgjafa. Hann sinnir fyrirbyggjandi starfi, s.s.. vörnum gegn vímuefnum, einelti og ofbeldi í samstarfi við starfsmenn skólans og aðra. Einnig situr hann í nemendaverndarráði og áfallaráði. Ráðgjafi skólans er Alda Stefánsdóttir.

[Fræðsluáætlun 2021-2021 fyrir námsráðgjafa, hjúkrunarfræðing og þá fræðslu sem er á vegum forvarnarfulltrúa.](#)

RÁÐGJÖF TIL SKÓLANS

Síðuskóli á samstarf við marga aðila utan skólasamfélagsins. Þeir helstu eru fræðslusvið og Háskólinn á Akureyri.

Fræðslusvið Akureyrarbæjar er í Glerárgötu 26. Þar er sviðstjóri með starfsfólk sínu, m.a. rekstrarstjóra sem vinnur með skólastjórum að rekstrarmálum. Sviðsstjóri er Karl Frímannsson og forstöðumaður rekstrar er Árni Konráð Bjarnason. Fanný Rut Meldal sálfræðingur og Áslaug Melax sérkennsluráðgjafi eru tengiliðir við Síðuskóla. Hlutverk þeirra er að veita fjölskyldum og skóla sérfræðiaðstoð vegna námsörðugleika og uppedis- og félagslegra mála.

Háskólinn á Akureyri veitir skólanum ráðgjöf og aðstoð en skólinn getur leitar til Miðstöðvar skólaþróunar Háskólsins á Akureyri varðandi aðstoð við lausn ýmissa vandmeðfarinna mála. Á sama stað er hægt að leita eftir ýmissi þjónustu s.s. varðandi skólaþróun, mat á skólastarfi og símenntun kennara.

HEILSUGÆSLA

Heilsugæslu í grunnskónum á Akureyri er sinnt af hjúkrunarfræðingum og læknum frá heilsugæslustöðinni á Akureyri.

Hjúkrunarfræðingur Síðuskóla er Karen Júlía Fossberg Júlíusdóttir. Viðverutími hennar er þriðjudaga til föstudaga frá klukkan 08:00-14:00. Á þessum tíma situr hjúkrunarfræðingur jafnframt fundi jafnt innan skóla sem utan.

Skólalæknir Síðuskóla er Guðjón Ingvi Geirmundsson.

Heilsugæsla í skónum er framhald af ung- og smábarnavernd og felst í reglugubundnum skimunum og eftirliti, fræðslu og teymisvinnu kringum einstaka mál. Starfsemi skólaheilsugæslu er skv. lögum, reglugerðum og tilmælum sem um hana gilda.

Viðfangsefni og áherslubættir skólaheilsugæslunnar hafa verið að þróast og breytast undanfarið og er skipulögð heilbrigðisfræðsla og hvatning til heilbrigðra lífsháttu nú að jafnaði að taka meiri tíma af starfi skólahjúkrunarfræðinga. Byggt er á hugmyndafræðinni um hin 6-h heilsunnar sem er samstarfsverkefni skólaheilsugæslunnar og Lýðheilsustöðvar. Eftir fræðslu fá börn fréttabréf með sér heim og gefst þá foreldrum kostur á að ræða við börnin um það sem þau lærðu og hvernig þau geti nýtt sér það í daglegu lífi.

Á heimasíðu Miðstöðvar heilsuverndar barna má finna nánari upplýsingar um heilsugæslu í skónum og ráðleggingar til foreldra um heilbrigðistengd málefni.

Slys og óhöpp á skólatíma

Það er ekki hlutverk skólahjúkrunarfræðings að vera með slysamóttöku í skólanum. Eftir sem áður veitir skólahjúkrunarfræðingur fyrstu hjálp þegar alvarlegri slys verða í skólanum og er starfsfólk skólags til stuðnings og ráðgjafar þegar upp koma veikindi og slys hjá nemendum á þeim tíma sem hjúkrunarfræðingur er við störf.

Ef smáslys eða óhapp verður á skólatíma sér starfsfólk skólags um fyrstu hjálp. Þurfi nemandi að fara á heilsugæslustöð eða slysadeild skulu foreldrar/forráðamenn fara með barninu. Því er mikilvægt að skólinn hafi öll símanúmer þar sem hægt er að ná í foreldra á skólatíma barnsins. Ekki er ætlast til að óhöppum sem gerast utan skólatíma sé sinnt af skólaheilsugæslunni. Foreldrum er bent á að snúa sér til heimilislæknis og Heilsugæslustöðvarinnar á Akureyri með heilsufarsmál sem ekki teljast til skólaheilsugæslu.

Foreldrar/forráðamenn bera ábyrgð á líðan og heilbrigði barna sinna. Góð samvinna og gott upplýsingaflæði er mikilvægt til að starfsfólk skólaheilsugæslu geti sinnt starfi sínu sem best. Því eru foreldrar hvattir til að hafa samband við hjúkrunarfræðing skólags ef einhverjar breytingar verða hjá barninu sem gætu haft áhrif á andlegt, líkamlegt eða félagslegt heilbrigði þess. Að sjálfsögðu er fyllsta trúnaðar gætt um mál einstakra nemenda.

Ef foreldrar/forráðamenn vilja ekki að börn þeirra taki þátt í einhverju af því sem er á verkefnista/fræðsludagatali eru þeir beðnir um að hafa samband við skólahjúkrunarfræðing sem fyrst. Ef ekki heyrist frá foreldrum verður það skoðað sem sampykki.

Lyfjagjafir

Samkvæmt tilmælum frá landlækni verða engin lausasöülüf hjá skólahjúkrunarfræðingi og eiga börnin ekki að fá nein önnur lyf í skólanum en þau sem læknir hefur ávísat á þau. Foreldrar /forráðamenn þeirra

barna/unglinga sem þurfa að taka lyf á skólatíma eru vinsamlega beðnir að hafa samband við hjúkrunarfræðinga skólans til skrafs og ráðagerða um hvernig best verði komið til móts við þessi tilmæli.

Lús

Við viljum minna fólk á að skoða reglulega hár barna sinna og láta skólahjúkrunarfræðing vita ef lús finnst. Við verðum að standa saman og gera viðeigandi ráðstafanir til að hefta útbreiðslu þessa aðskotadýrs.

Nánari upplýsingar um lúsina og viðbrögð má finna á heimasíðu landlæknis [https://www.landlaeknir.is/smit-og-sottvarnir/smitsjukdomar/sjukdomur/item12489/Hofudlus-\(Pediculus-humanus-capitis\)](https://www.landlaeknir.is/smit-og-sottvarnir/smitsjukdomar/sjukdomur/item12489/Hofudlus-(Pediculus-humanus-capitis))

HAGNÝTAR UPPLÝSINGAR

FORFÖLL OG LEYFI NEMENDA

Veikindaföll nemenda ber að tilkynna til ritara í upphafi hvers skóladags símleiðis eða með skráningu á Mentor. Ef nemandi þarf að fá leyfi skal sendur póstur til umsjónarkennara og afrit á ritara, ef leyfið varir einn til two daga. Sé um lengri tíma að ræða skal sækja um það á heimasíðu skólans, www.siduskoli.is. Foreldrar fá svar frá skólanum um veitt leyfi. Mikilvægt er að foreldrar geri sér grein fyrir því að nám barnanna er á ábyrgð foreldra meðan á leyfi stendur.

ÁSTUNDUN

Góð ástundun er mikilvægur þáttur í vellíðan nemenda og að þeir nái árangri í námi og taki framförum. Í skólanum er haldið skipulega utan um ástundun nemenda í Mentor. Notað er punktakerfi sem er fyrst og fremst hugsað sem skráningarkerfi um mætingu nemenda. Grunnskólar á Akureyri hafa sammælst um aðgerðir sem grípa á til ef ástundun er ábótavant.

SAMKOMULAG UM FARSÍMA-OG SNJALLTÆKJANOTKUN SKÓLAÁRIÐ 2021-2022

1.-7. bekkur:

- Ef foreldrar telja *nauðsynlegt* að nemendur komi með tækin í skólann þá eiga þau að vera ofan í tösku og slökkt á þeim þar til skólatíma lýkur.
- Í einstaka tilfellum geta kennarar gefið leyfi fyrir notkun tækja/síma t.d. ef vinna á sérstakt verkefni þar sem nemendur þurfa að nota símann/tækið.
- Þegar ekki er farið eftir þessum reglum þá afhendir nemandi starfsmanni skólans tækið. Nemandi getur sótt það á skrifstofu að loknum skóladegi. Atvikið skal skrá í Mentor og senda tilkynningu á foreldra. *Ef nemandi neitar að afhenda tækið er honum vísað til stjórnanda. Stjórnandi hefur samband heim og óskar eftir því að foreldri komi í skólann og sæki tækið.*

8.-10. bekkur:

- Við erum sammála um að það megi koma með farsíma og snjalltæki í skólann en í kennslustundum eiga þau að vera ofan í tösku og slökkt á þeim, bæði hljóði og titringi. Kennari getur gefið leyfi ef nota á tækin í tengslum við námið.
- Nemendur bera sjálfir ábyrgð á tækjum í persónulegri eigu sem þeir koma með í skólann.

- Við erum sammála um að í matsal (í matartíma) eru símar og snjalltæki ekki í notkun og ekki uppi á borði.
- Við erum sammála um að símar og snjalltæki er hægt að nota til afþreyingar í frímínútum og eftir matartíma einungis á A-gangi.
- Það er með öllu óheimilt að taka upp hljóð, myndir eða myndbönd á tækin nema með leyfi starfsmanns.
- Við erum sammála um að þegar ekki er farið eftir þessu samkomulagi þá afhendir nemandi starfsmanni skólans tækið. Nemandi getur sótt það á skrifstofu skólans að loknum skóladegi. Atvikið skal skrá í Mentor og senda tilkynningu á foreldra. *Ef nemandi neitar að afhenda tækið er honum vísað til stjórnanda. Stjórnandi hefur þá samband heim og óskar eftir því að foreldri komi í skólann og sæki tækið.*

MÖTUNEYTI OG NESTI

Miklivægt er að nemendur fái holla fæðu og í mötuneyti skólans er hægt að kaupa heitan mat í hádeginu. Foreldrar eru hvattir til að skrá börnin í mat í mötuneytinu. Einnig er hægt að vera í áskrift af mjólk til að neyta í nestistínum. Foreldrar þurfa að skrá nemendur í mat og til að fá mjólk í nestistínum á www.matartorg.is sem er skráningarsíða skólamötuneyta.

Hægt er að vera í annaráskrift sem þýðir að barnið er í mat alla skóladaga. Skráning í annaráskrift fer fram í ágúst fyrir haustönnina og í desember fyrir vorönnina. Einnig er hægt að kaupa stakar máltíðir og eru börnin þá skráð mánaðarlega í mat. Skrá þarf fyrir 20. hvers mánaðar.

Ritari skólans (Svava) veitir nánari upplýsingar um skráningu í mat. Matráður Síðuskóla er Katrín Ósk Geirsdóttir, Þórður Vilhelm Steindórsson leysir hana af í fæðingarorlofi skólaárið 2021-2022.

Boðið er upp á hafragraut á morgnana frá klukkan 7:45 til 8:00 nemendum og starfsfólk að kostnaðarlausu. Einnig er boðið upp á hafragraut fyrir nemendur í ungingadeild í frímínútum.

FRÍSTUND

Frístund er skólavistun sem er fyrir börn í 1.-4. bekk eftir að skóla lýkur hjá þeim á daginn.

Markmið Frístundar er að sameina uppeldi og menntun við hæfi þeirra barna sem vistunar njóta, og örva alhliða þroska þeirra, að efla með þeim virðingu fyrir sjálfum sér og öðrum, að efla sjálfstæði, ábyrgð, umburðarlyndi og vináttu.

Reynt er að ná þessum markmiðum með fjölbreytilegum verkefnum þar sem áhersla er lögð á frjálsan leik, því um er að ræða frítíma barnanna. Fatnaður, skór, skólatöskur og leikfimipokar þurfa að vera merkt, svo hægt sé að finna eigendur.

Foreldrar greiða frístund eftir dvalartíma barns, en 20 tímar eru innifaldir í lágmarksgjaldi, skrá þarf fyrir 20. hvers mánaðar. Það er mjög mikilvægt að þessari reglu sé framfylgt vegna skipulags starfsins. Mikilvægt er að láta vita um forföll í skólavistun og ef breytingar verða á tíma barnsins miðað við skráningu.

Á skipulagsdögum, viðtalsdögum, árshátíð og litlu jólum er frístund opin öllum nemendum í 1. – 4. bekk á þeirra skólatíma. Foreldrar skulu hafa samband við umsjónarmann fimm dögum fyrr ef þeir vilja nýta þessa þjónustu. Frístund hefur þrjá skipulagsdaga á skólaárinu en í ár verða það einn heill dagur og fjórir hálfir.

Umsjónarmaður frístundar er Sólveig Silfá Sveinsdóttir silfa@akmennt.is

Skipulagsdagar í frístund
24. ágúst /lokað til kl. 12.00.
3. janúar/ lokað allan daginn
2. mars/lokað allan daginn
3. og 4. mars/ lokað til 13
3. júní /lokað frá kl. 12.00

TÓMSTUNDASTARF OG FÉLAGSLÍF

Félagslíf nemenda í tengslum við skólastarfið er margvíslegt. Bekkjarráð er í öllum bekkjum skólans sem valið er í á hverju hausti. Það sér um ýmis konar uppákomur í hverjum bekk fyrir sig.

Stór hluti nemenda tekur á einn eða annan hátt þátt í árshátíð skólans og á öðruvísi dögum koma allir í óvenjulegum fatnaði.

Samfélagssvið Akureyrarbæjar býður upp á margvíslegleg námskeið utan skólatíma.

Linda Björk Pálsdóttir er forvara -og félagsmálauftrúi við skólann. Auk hennar starfa við félagsmiðstöðina þau Kristján Blær Sigurðsson, Hallgrímur Ingi Vignisson og Ólafía Guðmundsdóttir. Þau halda utan um félagsstörf á vegum Akureyrarbæjar. Þar má nefna félagsmiðstöðina Undirheima sem starfsrækt er í skólanum. Hún hittir einnig nemendur í frímínútum og sér um ýmis námskeið fyrir unglingsa s.s. sjálfstyrkingarnámskeið.

Boðið er upp á fjölbreytta klúbbastarfsemi og einnig opin hús, þannig að sem flestir geti fundið eitthvað við sitt hæfi. Auk þess eru fjölmargir sameiginlegir viðburðir eins og söngkeppni, hönnunarkeppnin Furðuverk, stuttmyndahátíðin Stulli og ferðalög á viðburði á vegum Samfés, samtaka félagsmiðstöðva á Íslandi.

Félagsmiðstöðin er opin fyrir 8.-10. bekk mánudaga og miðvikudaga frá 19.30-21.30. Einu sinni í mánuði eru svo miðstigsopnanir fyrir 5.-7. bekk frá kl 17:00 til 18:30. Klúbbastarf fer fram utan almenns opnunartíma.

Markmið félagsmiðstöðvarinnar er að nemendur öðlist sterkari og jákvæðari sjálfsmynnd. Rauði þráðurinn í starfi félagsmiðstöðvanna á Akureyri er forvarnarstarf í víðasta skilningi þess orðs. Starfsemin er ekki á vegum skólans en starfsmaður félagsmiðstöðvarinnar vinnur náið með ráðgjafa, umsjónarkennurum og stjórnendum skólans um ýmsa þætti sem snerta félagslega þátttöku nemenda.

RÝMINGARÁÆTLUN

Í kennslustofum skólans eru teikningar af útgönguleiðum ef hættuástand skapast.

Öryggisnefnd er starfandi í skólanum í henni er öryggistrúnaðarmaður og annað starfsfólk sem skipað er í nefndina. Öryggisnefndin ber ábyrgð á að skipuleggja rýmingaráætlun, kynna hana fyrir starfsfólk og nemendum og koma á æfingum.

Á hverjum vetri eru haldnar nokkrar rýmingaræfingar í samstarfi við Slökkvilið Akureyrar. Öryggisnefndin skipuleggur æfingarnar og gerir umætur ef einhverjir hnökrar eru. Rúmar tvær mínútur tekur að rýma skólahúsin.

Öryggisnefnd Síðuskóla skólaárið 2021 – 2022

BÓKASAFN

Skólasafnið er opið alla virka daga frá kl. 8:00-16:00. Ekki er útlán á safninu þegar kennsla er þar.

Fjölbreytt starf fer fram á skólasafninu. Nemendur yngsta- og miðstigs fá kynningu á safninu og bókum þess, auk þess sem þau koma í lestartengd verkefni. Unglingastig fær fræðslu um bækur og upplýsingaöflun.

Uppákomur á skólasafni, vika bannaðra bóka, lestur og kennarinn minn, lestur og ég.

Heimanámsaðstoð er fyrir tvítyngda nemendur 2x í viku.

Upplestarkeppnir í 4. og 7. bekk, safnkennari aðstoðar umsjónakennara við undirbúning og framkvæmd keppnanna.

Bókakynningar á nýútgefnum bókum í desember og upplestur fyrir nemendur.

Skólasafnskennari er Jónína Sveinbjörnsdóttir grunnskólakennari.

